

յտակ, և ի նմին մահիճ, և Հնոց՝ ըստ Պուղտանաց, ուրախացայ ոչ սակաւ . և այնու ծանեայ զայցելութիւնն Աստուծոյ առ իս, բարեխօսութեամբ Սրբոց Խնամակալուացս, և զոհացայ զնմանէ: Եւ իւկոյն այրն հիւրընկալ վառեաց զՀնոցն, և ասէ. Տէր, մերկացիր ի զգեստուցդ, և ընկողմանեալ յանկողնի աստ հանգիր, մինչեւ ցամաքեցուցից զհանդերձագ. և հասուցից կերակուր ջերմն. զիտեմ զի ներելոց ես ինձ, եթէ գեղացւոյ և ոչ քաղաքացւոյ զխորտիկս առաջաբերից. զի ոչ զայլ ունիմ այժմ ի տանս՝ բաց ի փոքու իմն կողոյ, սակաւուց ձուոց և կորկոտէ զարւոյ: Գոհացեալ զառնէն՝ ննջցի իբրեւ զժամս երկուս կամ առաւել: Կրբիւ զարթեայ՝ գտի զհանդերձս ցամաքեցուցեալս և զկերակուր պատրաստ. զգեցայ, կերի և զօրացայ: Ապա ասացի ցայրն. Տեսանեմ զքեզ այր բարի և երկիւղած յԱստուծոյ. վասն որոյ կամիմ յայտնել քեզ զխորհուրդս իմ, և լսել ի քէն զգացումդ. Ես ի Լէօպօլսոյ Հեսի փախեա ի ձեռաց Սվէտաց, որք հանդերձեալք էին առնել ինձ զրոնութիւն, և մեծաւ տաժանամբ հազիւ հասի աստ. եթէ չէիր դու մարդասիրեալ՝ թերեւս ցարդ մեռեալ իսկ էի. յաղագս որոյ շնորհի՛ գոհանամ զքէն. և եթէ կամ լիցի քոյ՝ մնացից աստէն զաւուրս քանիս, մինչև դոյն ինչ զուժ առեալ՝ Հետեւեցայց զուղին իմ, և ոչ արդօք եղեց առ քեզ ապաշնորհ: Պատասխանի ետ. Տէրութիւն քո զիտասցէ, թէ գեղոս այս Ժուպր՝ պատկանի առ դատաւորն Լէօպօլսոյ, և չէ իսկ հեռի ի քաղաքէ անտի, եթէ ոչ միով մղոնաւ. և նոքա հրամայեցին հանուրց շինականաց թագչել ընտանեօք և զոյիւք իւրեանց յանտառս խորինս, զուցէ յափշտակիցէին յաւարառուաց. որ և քահանայն մեր ոչ համարձակեցաւ մնալ աստ, թէ և յեկեղեցւոյն կարէր բարեպէս ամրանալ. և Տէրութիւն քո զիւրօրդ կարէ միայն յանմարդաբնակի տեղւոյ անքոյթ կալ. կամ ուստի՞ գտանել զկերակուր. քանզի և ես առեալ զանկողինս մնացեալս՝ գնալոց եմ ի գիշերիս՝ յանտառն՝ առ ընտանիս իմ: Ասացի. Եւ ո՛ւր երթայց, մինչ անտեղեակ վայրիցս և պակասեցեալ յուժոյ, քայլել ցձորակն այն ոչ բաւեմ: Պատասխանեաց. Ես վասն Քրիստոսի Տեսան մերոյ հասուցանէի սերկ (այսօր) զՏէրդ՝ յապահով և յանքոյթ իմն տեղի, այս է, ի զղեակն Սթառօչէլի՝ որ երիւք եւեթ մղոնօք բացեայ է, եթէ կարիցէի ունել զմիւս ձի պատկանաւոր տեառնդ. զի ձիս իմ յերկոցունց աչաց կոյր է, և ոչ ոք բաց յինէն կառավարել զիտէ զայն. արդարեւ ընկերն իմ ունի, բայց զուով ինքն սոպո և տառ, ոչ կարծեմ թէ կամիցի տալ: Աղաչեցեալ ուրեմն յինէն՝ գնաց, և ոչ յամեալ՝ եկն ընդ առն և ձիոյն. և գնահատեալ երից զլօթայց և միոյ քառորդի ցքոյ, ետու զվարձն, առեալ ի նմանէ զշիշ մի ապակի, պայմանաւ անդրուստ առաքելոյ զխնդրեալն. և ձիաւորեցայ. Հծծեալ և այրն բարի յիւրն երիվար՝ էառ ի գաւակն զսպասաւորն իմ, գնացինք:

Իբրեւ ելինք զառիվերն հուպ անտառին, ասէ ցիս. Տէր, ի Հետոց իմոց մ' վրիպիցիս, զուցէ մուրեցիս. զի ոչ ընդ ուղին արքունի՝ այլ ընդ շաւիղս և մերթ ընդ անհետս գնալոց եմք. վասն զի յայստիկ ի վայրս աւազակք Պուղ-